



渭南文集卷第一



山陰陸

游務觀者

表

天申節賀表

化國之日舒以長運啓千齡之盛天子有父尊之至
 心均萬寓之驩敢即昌期虔申壽祝中賀恭惟太
 上皇帝陛下宅心清靜受命溥將協氣熏為太平華
 夷銜莫報之德孫謀以燕翼子宗社後無疆之休誕
 敷錫於下民丕靈承于上帝臣方馳使傳阻綴朝班
 望睟表於雲霄敢恨微蹤之遠被頌聲於金石尚希

薄技之陳

會慶節賀表

有王者興矣啓丕平之運使聖人壽敢忘胥戴之誠
中賀恭惟 皇帝陛下蕩乎無名建其有極干戈載
戢恩加遼碣之區囹圄一空治格成康之上欽時百
福享國萬年臣迹滯遐陬心馳魏闕紀虹渚電樞之
慶莫厠諸儒演龍宮藻笈之文徒修故事

又

帝生商而立子有開必先民戴舜以同心無遠弗届
乾端肇闢嶽貢交修中賀臣早以湖海之微生親見唐

虞之盛典蓬轉逾二十年之久每注想於冕旒嵩呼
上千萬壽之時獨阻陪於簪笏茲膺郡寄復在王畿
目瞻佳氣之鬱葱耳聽驪聲之洋溢永言踈賤已極
光榮恭惟 皇帝陛下煥乎其有堯文粲然而興周
道 三朝圖籍將還滎河温洛之都萬里車書已軼
碣石榆林之壤以仁政廣華夷之德澤以豐年奉郊
廟之牲牲凡曰含齒戴髮之儔均被淪肌浹髓之賜
光御無疆之曆益培有永之年臣猥以分符莫違造
闕簫韶方奏徒傾就日之心歌頌可陳尚列齊天之
石

瑞慶節賀表

虹流電繞適當聖作之辰鼇抃嵩呼共效壽祺之祝
敢傾丹悃仰扣 睿聰 睿恭惟 皇帝陛下德當乾
符躬有聖瑞東漸西被偉聲教之混同上際下蟠極
仁恩之滂濂帝生商而立子民戴舜以同心歷考前
聞孰逾盛際臣生逢千載仕歷 四朝 嶽貢川珍猥
預駿奔之末爲飛魚躍永依洪造之中

光宗冊寶賀表

龜食簞從考廟方嚴於典冊仗全樂備都人咸覲於
禮容聖教茂昭 騷聲旁達 睿恭惟 皇帝陛下道衆

穹壤德肖 祖 宗 替周王小苾之求躬虞帝終身
之慕父傳歸子有光盛舉於 兩朝天定勝人果見
太平於今日乃咨元老大臣之參訂兼采議郎博士
之討論勅宗垂鴻極高蟠厚臣在列觀 龍飛之旦紬
書奏麟止之篇際遇特殊等夷罕及既 莫預曲臺之
議又阻從屬車之塵徒有悃誠形於夢想

皇帝御正殿賀表

肅傳清蹕端御所朝德上際而下蟠澤東漸而西被
恭惟 皇帝陛下體天廣覆如日正中率禮無違
永歎歲月遷流之速嚮明而治勉答臣民愛戴之心

誦太史消吉之辰采奉常絲蕤之議對揚宗社之
福爰舉公卿之觴兩曜清明四方拊舞臣農疇齒耄
帝所夢遙華袞光臨雖莫望火龍黼黻之盛黃麾備
設尚想聞金石絲竹之音

皇太子受冊賀表

明詔建儲永爲宗社之本正衙發策顯答神祇之
心國勢奠安輿情闔懌中賀恭惟皇帝陛下若稽古
訓駿惠先猷壽考億年誕膺不蔽之福本支萬世坐
擁無疆之休存心養性以事天修身齊家而治國迨
今有邦之慶益昭知臣之明臣跡遠周行心馳魏闕

命太史卜日之吉徒聞播告之傳遣上公持節以行
莫預觀瞻之盛儻未辭於聖代尚自力於聲詩

賀明堂表

農扈屢豐協氣方流於縣宇合宮大享曠儀遂舉於
中天驛置星馳高呼雷動伏以聖神在御析報聞行
肆嚴長至之祠一舉上辛之典惟茲宗祀實在季秋
既得萬國之驩心宜罄精之嘉薦中賀恭惟皇帝陛

下範圍元化芥藻太平采皇祐之舊章茂建中和之
極稽紹興之新制用適古今之宜上帝顧歆殊休叢
委臣官縻遐徼心繫明廷考漢家汶上之圖嘆莫陪

於潤色繼周頌我將之任尚自力於形容

謝明堂赦表

明堂總章舉曠儀於路寢鈎陳羽衛敷大號於端闈
德協穹祗春回海縣中謝恭惟 皇帝陛下道繩祖武
政酌民言乾文仰灑於房心肇稱鉅典解澤默符於
雷雨一洗衆愆統和天人空虛罔罔臣適乘使傳遠
在遐陬奉五百里之驛書徒深驚抃上千萬年之聖
壽莫綴鳧趨

謝赦表

宣布仁恩發揚孝治觀人心之鼓舞知天意之協從

言恭惟 皇帝陛下躬舜禹之資履魯閔之行損又
損而至道老 吾老以及人一日三朝雖極寧親之大
養四方萬里一尚憂庶獄之亡辜內廣惠心旁流霈澤
雨露所被罔一罔一空臣適以守藩恭聞孚號雖與民
欣戴如瞻咫尺之天然受命禱祈實勞方寸之地

謝賜曆日表

春秋以王而一次春不顯體元之妙閏月定時而成歲
適當頒曆之辰治象一新歡聲四溢中謝恭惟 皇帝
陛下道兼公備制化被堪輿念王業之艱難每急農桑
之務察天心之仁愛尤深水旱之憂誠意既孚嘉生

並應呼嵩高之萬歲幸覩昌期陳泰階之六符不勝
大願

又

詔班新曆雖舉彛章地近清都獨先下拜恩光旁燭
小已知榮中謝臣聞堯授人時實前民用漢得天統克
協帝心方當重熙累洽之盛時宜謹體元居正之大
典恭惟 皇帝陛下凝圖丕赫受命溥將齊七政於
璿璣昭示太平之象調四時之玉燭用待來歲之宜
爰勅有司以幸天下臣偶叨牧養獲與布宜職思其
憂勸課誓殫於緜力年運而往功名更感於初心

福建到任謝表

咸造在廷甫遂朝宗之願奉使有指遽叨臨遣之榮
大造難名餘生曷報中謝伏念臣公然薄命起自窮閭
偶以元祐之黨家獲與紹興之朝士 真人有作景
運方開適當寧歎息人才之實難顧一時豪傑號召
而未至首蒙引對面錫殊科遭逢稀闊之知聳動邇
遐之聽豈期蹇薄旋困沉綿卒繫全度之恩俾獲退
藏之分侵尋半世轉徙兩川三為別乘之行再忝專
城之寄五十之年已過非復壯心八千之路來歸恍
如昨夢敷陳淺拙應對參差惟遣黜之是宜豈超遷

之敢望此立伏遇

皇帝陛下道兼倫制澤被堪輿念臣留落有年尚未
除於狂態臣馳驅無地空竊抱於愚忠顧雖末路
之孤蹤猶一外臺之高選臣謹當力思守道深戒瘵
官禮樂遠一自光華既大踰於素望請共好是正直庶
少答於鴻私

江西到任謝表

疏恩趣召一麻一非待一人之言改命遣行猶備四方之使
丹衷欲叙一雨一涕先傾中謝伏念臣稟資迂愚立身羈貌
獨竊犁鉏一餘暇妄窺述作之淵源一累然自力於簡

編老之將至過矣見稱於流輩轉而上聞頃入對於
燕朝實親承於睿獎然而異恩賜第弟由場屋之選
掄特旨造廷非出公卿之論薦已分亟投於閑散豈
期重累於生成此蓋伏遇 皇帝陛下立賢無方用
人唯已一洗拘學之積弊廣收魁傑之遺才施及妄
庸亦蒙省錄甫停追詔還畀使擅一允曰自結於上知
皆裨無蹈於後宮海嶽之內纖塵墜露何所用之一父
母之愛幼子童孫茂以加此驅馳入境感懼填膺重
念一樸學守株孤身吊影素乏蚍蜉螳子之助孰為
輪囷楮木之容愴餘日之安歸抱微誠而求款方

天子建中和之極用告成功雖史近卜祝之間亦思
自效尚德長育不遂棄捐所願預草漢家檢玉之文
未敢遽同堯民擊壤之作刻肝自訴伏鑽何辭疾痛
飢寒仰而呼天誓靡求於世俗齋戒沐浴可以事帝
冀終望於清光

嚴州到任謝表

穿延和之細仗面咫尺天佩新定之左符秩二千石
叨塵過分感懼交懷書臣聞明主恩深書生命薄唐
帝之知李白一官不及於生前漢皇之念相如遺棄
徒求於身後况如臣輩莫望昔人猥緣一技之卑嘗

綴百僚之末雖簪笏久違於昕謁乃姓名猶在於淵
衷乘傳來歸兩奉召還之旨懷章欲上聖家趣對之
榮親降玉音俯憐雪鬢勞其久別蓋寵嘉近侍之所
宜勉以屬文實臨遣守臣之未有茲蓋伏遇 皇帝
陛下睿謨冠古英斷如神肆筆成書千載獨高於聖
學刺經作制諸儒絕企於清光以臣夙被化於明時
憐臣未廢書於晚歲將激昂其素志故闕石於往愆
臣敢不戴使愚使過之恩念有社有民之定可憇棠陰
而聽訟期無墜於家聲及瓜戍而代歸尚一酬於
君賜

除寶謨閣待制謝表

陪衆雋以登瀛已熱薄陋扈六飛而上雍遽踐高華
恩重命輕感深涕實中謝伏念臣材非異稟家本至寒
蒼稚遺書守先臣之孤學在騷奇作誦諸老之舊聞
竊慕隱居求志之心尤恥譁世取名之事一干運而往
道阻且長仕止爲貧適遇一四朝之盛際一无猶不死
遂爲一六聖之遺民豈期垂盡之時更被非常之遇
置之儒館命以信善特寬尸素之重誅不待汗青而
加賞茲盖伏遇一皇帝陛下道兼倫制學備誠明體
穹穹厚厚之仁躋蕩蕩巍巍之治風行雷動號令靡

隔於幽遐魚躍爲飛人材不遺於疏賤雖耄期之已
迫尚覆育之愈深一臣敢不口誦訓辭心銘德澤入預
甘泉之筆橐儻効微勞歸尋柱曲之桑麻終祈洪造
轉太中大夫謝表

信使奏篇獲紀一兩朝之盛恩書馳驛躡躡四品之
崇方醲賞之既行欲牢辭而弗敢始終忝幸俯仰兢
慚中謝伏念一臣身出窮閭家承孤學披肺肝而自力雖
有素懷賜骸骨以歸休一已更累歲昨被出綸之命起
參載筆之遊強眊昏廢忘之餘均筆削討論之責食
常忘事但憂尸素之當誅成本因人乃以汗青而受

寵茲蓋伏遇 皇帝陛下奉先思孝守位曰仁夙受
命于皇天克肖其德肆_世秦圖於列聖無疆惟休永懷
弓劍之歲每切羨墻之_世恭爰求遺老俾誦舊聞而臣
猥以耄期忝承訓勉愴 大父詩書之業久已寂寥
讀元豐文獻之言至於感泣雖迫蓋棺之日敢忘結
草之酬

謝致仕表

持橐甘泉已竊逢辰之_上平掛冠神武又叨歸老之榮
加恩俯念於老年延賞特頒於申命伏讀絲綸之語
曷勝犬馬之情_備伏念_臣家本窮閭世承孤學雖遇

千齡之盛際初無一日之微勞白首先陰躡冠登瀛
之選青雲步武亟陪_上雍之班屬預奏於信書遂析
歸於故里奉祠雖伏竊_食靡安茲游貢於忱辭始恭
承於俞旨至於特捐異_數增賁襄門顧令_么微獲被
榮耀茲蓋伏遇 皇帝陛下仁參化育道極範圍繼
栗繼肉以養賢才祝鯁祝噎以禮_老羞思正元之朝
士寤寐不忘念山陰之_无人生存無幾越拘孥於令
甲聳觀聽於薦紳簡編有光世類知勸而臣抱病牀
絕望_入闕廷賤息何能亦忝及親之_報素風未墜
豈無報國之期

落職謝表

叨榮罪大念舊恩深僅以弱筆素之華猶保桑榆之景
仰慙鴻造下愧公言中謝然念臣本出故家初無他技
每自求於遠宦豈有意於虛名命之多難動輒為累
強起僅餘於數月退歸入闕於六年齒豁頭童心勦
形瘵叫闈請命蒙久許共乞骸飾巾待終視世已同
於逆旅敢謂寬平之邦惡尚令漸盡於里居此蓋伏
遇 皇帝陛下勸精大猷惠養遺老念臣生當全盛
被 六聖之涵濡憐臣 仕遇中興荷 王宗之識拔
雖名薄責益示殊私臣 敢不祇誦訓詞痛懲宿負尸

居餘氣永無再瞻軒陛之期老生常談莫叙仰戴丘
山之意

逆曦授首稱賀表

天無私覆實均父母之仁邦有大刑爰下風雷之令
英斷若神明之速成功無晷刻之淹氛稷澄清頌聲
洋溢費臣伏以 高皇有作王室中興方失戎窺蜀
以憑陵賴驍將奮身而守衛念功無已分閭相承仰
累朝寵數之非常雖舉族糜捐而曷報豈圖小醜
自取參夷僭服自如改元無憚受封割地已比通獯
鬻之庭置戍奪符欲東扼瞿唐之險罪不勝於擢髮

誅寧貸於闔門肆推曠蕩之恩實自聖神之造恭惟
皇帝陛下德配天地功光祖宗覽圖籍而動
容每念兩京之未復奉廟祧而霄涕不忘九世
之深讎蠢茲雛卵之微自投鼎鑊之地人情共憤天
討遂加菹醢以賜諸侯雖特寬於漢法頭顱之行萬
里已大震於戎心遙知群醜宵遁之餘無復並塞秋
防之警言臣身歸南陌名寓西清馳驛四傳徒快鯨鯢
之戮造朝旅賀莫趨鷓鴣之班

光宗冊寶賀

光宗冊寶賀

太皇太后牋

詠穀且於清臺著龜允協奉鴻稱於考廟典冊有
嚴慶襲重闢驪牆函寓恭惟太皇太后殿下道同
先后德著累朝閱天下義理之深體乾元光大之
盛密扶睿斷纂修列聖之治功備述光猷啓迪一
人之達孝舉時大典紹國成規臣欽迹還東馳心拱
北紳綏雜運遙瞻濟濟之賀班宮闕岩光徒寄區區
之夢境

皇帝御正殿賀

皇后牋

聖治聿新爰正路朝之御邦儀丕舉實繫四助之功
盛典告成亟生胥慶恭惟皇帝殿下道隆任欽化

洽邦家方當寧之朝羣臣惟聖時克宜中壺之介萬
壽與天同休內騰六寢之驩外副萬方之望臣久遠
近著獲遇昌辰聽九賓之臚傳莫陪林舞望五雲之
宮闕徒極傾輸

皇帝御正殿賀

皇太子牋

清蹕肅九賓之儀方臨當寧寶觴奉萬壽之祝允屬
儲宮邦家有光華裔同慶恭惟皇太子殿下道隆
孝友性極誠明以大學為家傳一洗俗儒章句之陋
以密贊為子職豈獨寢門櫛縱之恭相此多儀實先
百辟某久嬰沉疾已迫頽齡想廣殿之宗嚴莫陪禋

翼占前星之明潤徒極傾馳

皇太子受冊賀

皇后牋

壹政憂勤協贊上聖登三之治母慈顧復遂開東
宮明兩之祥汗簡光華函生鼓舞恭惟皇帝殿下
道光圖史化被宮闈嗣先后之徽音體柔祗之厚載
媯訥之隆二女允謂盛時周臣之止九人實資內助
迨此建儲之命益知儷極之尊臣自去通班久安故
里頽齡耄矣莫陪執玉之趨鉅典煥然不勝拭目之
喜

賀皇太子受冊牋

父慈子孝集大慶于我家日吉時良發正衙之顯冊
國勢重於九鼎驩聲達於四方恭惟 皇太子殿下
秉德淳明宅心虛靜英姿達識事洞照於幾先強記
博文言必稽於古訓躬守 累朝仁恕之訓日侍
兩宮睟穆之顏歷考古初實嘗創見其夙叨四品垂
及九齡爲國老農莫造濟濟雖鷺之列逢時盛典尚
懷區區犬馬之心

逆曦授首賀

太皇太后殿

叛國干紀敢萌負日之心密以口行誅不待崇朝之久
慶關 宗社喜溢 宮庭臣小以參井之墟古今重

地方 高帝東巡之始實群胡南牧之秋爰有驍雄
服勞疆圉惟 列聖念功之意每示優隆度故臣誓
報之心豈有窮已蠢茲微孽亦荷異恩入居宿衛之
聯出任師干之寄天所助者順乃懷悖逆之圖人不
食其餘自極殲夷之譴尚全 退族實出 上恩恭惟
太皇太后殿下坤厚資生毋俟 燕翼每道 先朝之
家法助成 聖主之性仁慰在天之靈故誅其孥而
無赦廣及物之澤故宥其族而弗疑 臣父屏窮閭猶
叨近侍用三有宅欣逢湯德之寬於萬斯年莫預克
封之祝

逆曦授首賀

皇后牋

逆臣負固上貽正宁之憂密詔行誅不待靈旗之指
勲高古昔喜溢宮庭伏以分閫專征本倚世臣之舊
野心叵測輒干邦憲之嚴妖禽自取於覆巢靡草獨
枯於長夏尚加矜貸曲示涵容故雖同產之親止用
徙鄉之典恭惟 皇后殿下道光嫺德配坤元侍
膳慈闈克謹晨昏之奉焦心中主每分宵旰之勞及
此成功允為大慶聳裔夷之觀聽增玉帛之光華臣久
已歸耕莫陪入賀身修家齊國治實由內助之功天
時地利人和行覩外攘之烈

渭南文集卷第一

渭南文集卷第二

山陰陸游

務觀著

南宮表牋

丞相率文武百僚請建

重明節表

飛龍在天方仰君臨之德流虹繞渚實開聖作之祥宜紀
昌辰用彰盛際恭惟

皇帝陛下承謨丕顯受命溥將致養

三宮備本朝之家法參決萬務得率土之民心正宁初臨
積陰頓解於赫明離之象益昭出震之符臣等不勝大願

請以九月四日爲重明節伏望

皇帝陛下俯察群情懇頒俞旨施尊名建顯號修寧典養
祥之期披皇圖稽帝文仰臣民歸美之報著之令甲副在
有司邦家增光天下幸甚

二

受命若帝之初宜邦彛之悉舉盛德如天之覆豈人欲之
或違比罄忱辭願標令節未回聰聽曷慰群情伏以紀千
秋之名雖由唐舊允長存之請則在 宋興况今非獨循
累代之成規蓋亦以此以
重華之六慶顯號缺而未講盛且鬱鬱而弗彰謙雖益光禮

則未稱伏望

皇帝陛下茂昭鉅典亟發德音漢殿尊榮親奉玉卮之壽
周行林蹈各陳金鑑之書豈惟光簡冊之傳實以副天下
望

三

淵聽未回確爾執謙之意忱辭婁叩歎然歸美之誠彛典
不可以久稽衆心不可以婁弗敢控喁喁之請再干穆穆
之光竊以民之戴君自古有訓禮之飾治後世尤詳惟大
德得其名故因誕彌而紀節雖先王未之有亦容增益之
隨時當渚虹樞電之辰受岳貢川珎之集乃同常日夫豈

人情令者博士議郎固執於廷秩宗奉常各揚其職必期
得請疇敢自安伏望
皇帝陛下聖度兼容大明委照帝舜三祝足昭挹損之懷
臣同一心終冀允俞之命

皇后丞相率文武百僚稱賀

壽皇表

北宮移仗方瞻與子之明中禁正名復奉齊家之訓化行
繇宇騷動群心中者恭惟
至尊壽皇聖帝陛下盛德日新聖圖天廣雖名持守躬創

業垂統

之艱不憚憂勤示貽

燕翼之法乃者獨觀道妙

將就祿

願猶崇朝親發於德音謂初政莫先於內治茂建

壺則所

以垂萬世之典常大明人倫所以移四方之風俗

臣等獲

塵朝著親奉睿謨發冊所廷共仰光華之典稱觴

廣殿益深抃舞之情

賀

皇帝表

寶運紹

開椒塗首建典冊以時而告具著龜協吉而弗違

慶集宮

庭歡傳海宇

中賀伏以聖人有作追參堯舜禹之盛

時壺範

增光上配姜任如之至德矧惟內助始自初潛稽

女史彤管之言廣周南關雎之化茲正中宮之位號實出
壽皇之訓謨玉音誕敷汗簡登載求於前世邈矣未聞顧
家國之榮懷宜神祇之安樂恭惟
皇帝陛下仁參蒼昊德被黔黎永惟大學齊家之端先誠
其意推原春秋謹始之義以御于邦故當天臨之初務先
坤載之厚臣等身逢華旦目覩彌文燕至祀謀行慶則百
男之祐鷄鳴問寢敢祝於萬年之休

賀

皇太后牋

聖子問安方極蘭陔之養神孫正內肇新椒掖之華母道

彌尊人情溢喜中賀恭惟

皇太后殿下抱神以靜藏心于淵德修蚺蚺螭螭之中化
行昆侖旁薄之外唐虞盛際迺出一家父子之親任如微
音仍見三朝婦姑之法方且享宗社尊安之福視本支蕃
衍之祥于古有光與天無極臣等幸逢熙運獲綴涓班至
哉坤元實首彝倫之叙養以天下益觀孝治之隆

賀

壽成皇后牋

盛德繼承爰本親傳之妙中宮崇建式光就養之身慶集
禁庭驪傳海宇中賀恭惟

壽成皇后殿下婦功飭備母道含洪躬老氏之儉慈享周
家之福祿密贊乾剛之斷神聖有歸助成離照之明天心
允荅惟每思於靜順故備極於安榮衮龍兼綵服之紵綸
翟煥王卮之奉貴無倫敵日以舒長簡冊燁其有光風俗
爲之丕變臣等偶逢熙運獲相多儀坤順承天喜徽音之
克嗣孫又有子知壽祉之無窮

賀

皇后牋

誕受丕基方正宁凝旋之始協修陰教舉路朝發冊之儀
厚載有光群情咸悅中贊恭惟

皇后殿下慶鍾勲闕道凝皇家輔佐積勤實自龍潛之日
休祥有衍早符熊夢之占

壽皇所以親發其德音 聖主所以深資於內助副筭奉
三殿之養大練受六官之朝震耀簡編感移風俗臣等預
聞鉅典實激歡悰法地所以法天仰戴坤儀之至德事母
同之事父曷勝鰲抃之微誠

文武百寮謝春衣表

寶運紹開方謹人時之授寵光下逮俾均春服之成榮被
簪紳歡騰拜舞中謝恭惟

皇帝陛下凝圖丕赫撫運重熙租稅所儲靡專一已之奉

寒暑有賜式厚群臣之恩所以恤其澣濯之私蓋將責其忠嘉之報雖舊章之是舉實初政之當先臣等獲綴班聯恭承錫予去女工之蠹已觀府庫之充遺天下之衣願廣乾坤之施

文武百僚謝冬衣表

霜露既降著孟冬始裘之文法制具存舉九月授衣之令進趨稽顙拜舞光華

中謝 恭惟

皇帝陛下大度并包至仁滲漉及是月也初有祁寒之虞念無衣兮俾膺好賜之厚疏恩榮於在列丘府庫之餘歲臣等誤荷選掄獲霑錫予觀萬里農桑之業共樂時誦群

臣幣帛之詩誓圖忠報

會慶節丞相率文武百僚賀

壽皇表

錫羨無疆丕顯生商之且成功不處適當命禹之時熙運親逢群情胥慶

中謝 恭惟

至尊壽皇聖帝陛下仁涵動植道配堪輿詩書所稱何有加卓爾規模之大唐虞之際斯為盛超然揖遜之風積勤致王業之成端拱祀天民之阜豈特極高而蟠厚固已勒崇而垂鴻

臣

等誤寘周行久陶聖化蓬萊隔弱水三萬里

獲進謁於殊庭上古有大椿八千秋莫默符於睿筭

丞相率文武百僚賀

至尊壽皇聖帝冬至表

化國之日舒以長一陽初復天子之父尊之至萬壽維祺
亞歲肇新群心胥悅中賀恭惟

至尊壽皇聖帝陛下道兼倫制化極範圍剛長而身周則
土圭之景功成則退堯無黃屋之心薰然慈孝之兼隆允矣
古今之莫及方且內享視膳問安之大養外騰重熙累洽
之頌聲風動華夷光昭竹帛臣等幸逢盛際獲造昕廷斗
建子以定時是為嘉會日星拱辰而在列同罄丹誠

丞相率文武百僚賀

皇帝冬至表

一之日以授時黃鍾合律萬斯年而介福赤伏膺符慶集
邦家驩騰海宇中賀恭惟

皇帝陛下仁同乾覆道協時乘旦復旦以重光邦圖有永
新又新而不倦帝德難名默觀造化之機自得財成之妙
清心省事成歸根本之功任賢去邪體進陽消陰之象臣
等幸逢熙運獲通威顏和氣先回豈待葭灰之應豐年已
兆敢陳雲物之占

丞相率文武百僚請

皇帝聽樂表

祖廟寧神歲將更於燧火禮經有制時當備於簫韶敢控
微衷上千淵聽伏以中月而禪壽皇已循不易之規逾年
改元則聖主方受惟新之命儻未舉均天之奏何以慰率
土之懷伏望
皇帝陛下俯察忱辭仰稽故典欲聞五聲八音六律以復
朝廷之常親帥三公九卿諸侯共致鸞之請笙鏞以間而
人神喜琴瑟在御而心體安茂昭庶政之惟和孰謂太平
之無象奉萬年之觴於廣殿及此首春撞千石之鍾於大
庭震于四海

丞相率文武百僚賀

皇太后受冊牋

獻歲發春太史奏元龜之吉展米錯事東朝慶大典之成
佳氣一新驩聲四溢中賀恭惟
壽聖皇太后殿下聰明睿智壽富康寧踐履艱難位尊無
高廟廊清之烈遵行恭儉啓
壽皇詒燕之圖肆因初元祇奉顯冊望篆蟲魚之古樂陳
鍾磬之和內而百官有司方屏自息而觀盛事外則萬方黎
獻咸拜手而頌闕休載稽前聞可謂盡美臣等偶叨在列
獲際升平有子而又有孫共仰本支之盛親今之猶視昔
前知竹帛之傳

丞相率文武百僚賀

壽成皇后受冊

宮壺塗椒德配重華之盛冊書鏤玉禮行路寢之嚴聖孝

益隆輿情交慶

中賀恭惟

壽成皇后殿下儉慈性稟柔順躬行至哉坤元象服早光

於內治養以天下寢門方奉於母儀今者稽參六籍之文

博盡諸儒之議建此顯號邁于前聞仰惟貴無敵而富無

倫是謂仁之至而義之盡臣等偶緣在列獲遂逢時紀媿

泗塗山之興幸窺簡牘繼生民思齊之作尚播聲詩之

丞相率文武百僚上

皇帝賀 三殿受冊表

重慶有光仰東朝之慈愛雙親並奉極北內之尊榮正歲

肇新彌文告備邦家之喜夷夏所同嶺伏以堯舜禹之相

承蓋非一姓姜任姒之善繼又不同時參和前聞孰擬昭

代恭惟

皇帝陛下奄有萬寓統和三靈由至公大義膺寶運之傳

講祲威盛容伸天下之養太史灼龜而獻兆曲臺縣蕪而

具儀黃麾之仗夙陳簪紳在列白玉之冊時舉金石充庭

既以隆孝道而通神明固將禮高年而厚風俗新又新而

進德老吾老以及人臣等誤被選掄獲塵班著雖潤色討

論於大典每慚稽古之踈然登降跪拜於路朝實竊逢辰之幸

丞相率文武百僚賀

壽皇正旦表

道妙混成太極著兩儀之本天端更始三朝受萬國之歸慶集有邦驩騰率土中賀恭惟

至尊壽皇聖帝陛下濬哲稽古清明在躬握乾符闡坤珍難名蕩蕩之德系唐統接漢緒誕受丕丕之基以海宇之富而蹈巢由高世之風以父子之親而行堯舜曠代之事迨此獻歲發春之日實繫考圖數貢之時史冊增華搢紳

大息臣等輩

歲與獲觀昌期鵬行畢集於大庭共喜

威顏之近龍衣恪趨於小次更知榮養之尊

丞相率文武百僚賀

皇帝正旦表

堯授舜舜授禹方瞻繼照之明正次王王次春茂舉履端之慶乾坤開闢日月光華中賀恭惟

皇帝陛下德上際而下蟠化東漸而西被改元定號稽列聖之舊章發政施仁撫重熙之景運內有可封之俗外無不諛之戎方且采諸儒之議以制朝儀陳九奏之音以為親壽頒朔靡殊於遐邇受圖高拱於清治功卓然海內

幸甚臣等誤膺睿獎獲綴通班勅力同心永惟春秋五始
義拜手稽首敢奏天子萬年之詩
知制誥奏之旨以爲
臣等草奏如絲一轉重無之景重
臣等下對上制而不辭以東滿而西效如五矣謝辭
恩深轉開關日月失華
恭謝
臣等戰戰兢兢由古謝辭之所王王必春茂舉感
涓南文集卷第三
末

臣等戰戰兢兢由古謝辭之所王王必春茂舉感
涓南文集卷第三
末

